

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA JAJCE
Općinski načelnik

Broj: 02-14-7-8785/19

Datum: 18.12.2019. godine

Na osnovu člana 70. Zakona o javnim nabavkama BiH („Službeni glasnik BiH“, broj 39/14) i člana 110. Statuta Općine Jajce („Službene novine Općine Jajce“, broj 3/08) u postupku javne nabavke – konkurentskog zahtjeva za dostavu ponuda za nabavku i ugradnju audio i video opreme sa sistemom za glasanje u Velikoj sali Općine Jajce putem konkurentskog zahtjeva za dostavu ponuda čije obavještenje je objavljeno na portalu javnih nabavki pod brojem 1190-7-1-85-3-57/19 od 29.11.2019. godine, na preporuku Komisije za javne nabavke broj 02-14-7-8785/19 od 18.12.2019. godine, Općinski načelnik donosi

O D L U K U
o izboru najpovoljnijeg ponuđača

I

Prihvata se Preporuka Komisije za javne nabavke broj 02-14-7-8785/19 od 18.12.2019. godine i Ugovor o nabavci i ugradnji audio i video opreme sa sistemom za glasanje u Velikoj sali Općine Jajce, dodjeljuje se ponuđaču:

„ZERICK“ d.o.o. Sarajevo

Konačna cijena robe koja je predmet postupka javne nabavke utvrđena je na osnovu ponude odabranog ponuđača broj 5775/19 i ista sa uključenim PDV-om iznosi **51.363,00 KM** (slovima: pedesetjednihiljadatristotinešezdesettri konvertibilne marke).

II

Ponuđač iz tačke I ove Odluke ocijenjen je kao kvalifikovan, a njegova ponuda od svih kvalifikovanih ponuda je najpovoljnija prema kriteriju za dodjelu ugovora iz člana 64. stav (1) tačka b Zakona o javnim nabavkama BiH (najniža cijena).

III

Ova odluka objavit će se na web stranici Ugovornog organa: [www.opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

IV

U skladu sa članom 45. i 47. Zakona o javnim nabavkama BiH odabrani ponuđač iz tačke I ove odluke je dužan u roku od 5 dana od dana prijema ove odluke dostaviti Ugovornom organu dokumentaciju propisanu članom 45. i 47. Zakona o javnim nabavkama BiH koja je zahtijevana tenderskom dokumentacijom. U suprotnom Ugovorni organ će postupiti u skladu sa članom 72. stav (3) Zakona o javnim nabavkama BiH.

Ove obaveze se oslobađa ponuđač ukoliko je nevedenu dokumentaciju dostavio u svojoj ponudi.

O b r a z l o ž e n j e

Ugovorni organ – Općina Jajce je provela postupak javne nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku i ugradnju audio i video opreme sa sistemom za glasanje u Velikoj sali Općine Jajce putem konkurentskog zahtjeva za dostavu ponuda čije obavještenje je objavljeno na portalu javnih nabavki pod brojem 1190-7-1-85-3-57/19 od 29.11.2019. godine.

U predmetnom postupku javne nabavke Rješenjem Općinskog načelnika broj 02-14-7-8785/19 od 29.11.2019. godine imenovana je Komisija za javne nabavke.

Komisija za javnu nabavku je Ugovornom organu dostavila Zapisnik o ocjeni ponuda i Preporuku o izboru najpovoljnijeg ponuđača broj 02-14-7-8785/19 od 18.12.2019. godine.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu zaprimljenih ponuda, o čemu je sačinila odgovarajuće zapisnike u kojima je utvrđeno da su blagovremeno zaprimljene 2 (dvije) ponude i to ponude privrednih društava:

1. „AUDIO PROJEKT“ d.o.o. Sarajevo
2. „ZERICK“ d.o.o. Sarajevo

Komisija je preuzela izvještaj o preuzimanju tenderske dokumentacije od strane ponuđača i utvrdila da su ponuđači preuzeli tendersku dokumentaciju sa portala javnih nabavki.

Ocjenom zaprimljene ponude ponuđača „AUDIO PROJEKT“ d.o.o. Sarajevo komisija je utvrdila da ponuda nije dostavljena u skladu sa postavljenim uslovima u konkurentskom pozivu tj. ponuda ne sadrži sva tražena dokumenta.

Ponuda ponuđača „AUDIO PROJEKT“ d.o.o. Sarajevo ne sadrži Izjavu ponuđača koja je sastavni dio Obrasca za ponudu- Aneks II TD- Prilog I, a koja mora biti dio dostavljene ponude. Izjava je data kao prilog tenderske dokumentacije i morala je biti obavezni dio ponude ponuđača. Također, u tački 2.3. TD (ekonomska i finansijska sposobnost) navedeno je da će ponuda biti odbačena ako ponuđač ne ispunji minimalne uslove tj. da ispunjava svoje finansijske obaveze prema poslovnim partnerima i vjerovnicima, odnosno da računi ponuđača otvoreni kod poslovnih banaka nisu bili blokirani u posljednjih šest mjeseci od datuma izdavanja potvrde. U svrhu dokazivanja ponuđač je bio dužan kao dokaz o ispunjavanju uslova u pogledu ekonomske i finansijske sposobnosti dostaviti Izjavu ovjerenu od strane ponuđača, koja se dostavlja u formi i na način koji propisuje Agencija za javne nabavke podzakonskim aktom i običnu kopiju izvještaja o računima pravne osobe Centralne banke BiH te obične kopije potvrda poslovnih banaka da računi ponuđača otvoreni kod poslovnih banaka nisu bili blokirani u posljednjih šest mjeseci od datuma izdavanja potvrde (potrebno je dostaviti potvrde poslovnih banaka za svaki aktivni račun koji je naveden u izvještaju Centralne banke BiH). Dostavljeni izvještaj i potvrde ne smiju biti stariji od 3 mjeseca od datuma predaje ponude. Uvidom u ponudu ponuđača „AUDIO PROJEKT“ d.o.o. Sarajevo komisija je utvrdila da ponuđač nije dostavio Izvještaj o računima pravne osobe Centralne banke BiH, tako da ugovorni organ ne može vidjeti koji su sve računi ponuđača aktivni i za koje treba dostaviti potvrde banaka.

Kod dokazivanja tehničke i profesionalne sposobnosti ponuđači su trebali dostaviti tehničku specifikaciju koju potpisuje i ovjerava ponuđač, što uvidom u ponudu nije dostavio ponuđač „AUDIO PROJEKT“ d.o.o. Sarajevo. Iz navedenih razloga, ponuđač je ocijenjen kao nekvalifikovan i komisija je takvu ponudu odbacila.

Ocjenom zaprimljene ponude ponuđača „ZERICK“ d.o.o. Sarajevo komisija je utvrdila da je zaprimljena ponuda dostavljena u skladu sa postavljenim uslovima u konkurentskom pozivu, tj. ponuda sadrži tražena dokumenta te je ponuđač ocijenjen kao kvalifikovan.

Nakon ocjene kvalifikacije ponuđača prešlo se na finansijsku evaluaciju ponude te provjeri računskih operacija u cilju utvrđivanja eventualnih računskih greški. Komisija je utvrdila da nema računskih grešaka.

Komisija je preporučila Ugovornom organu da se u predmetnom postupku javne nabavke dodijeli ugovor ponuđaču „ZERICK“ d.o.o. Sarajevo.

Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 dana od dana prijema Odluke.

Svaki ponuđač koji ima legitimni interes u predmetnom postupku javne nabavke, a koji smatra da je Ugovorni organ prekršio jednu ili više odredbi Zakona o javnim nabavkama, ima pravo uložiti žalbu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u skladu sa članom 99. i 101. Zakona o javnim nabavkama.

Dostaviti:

- Ponuđačima
- Službenik za informisanje
- a/a

